

散曲叢刊
第八種
王西樓樂府

冊全

陸軍部王國棟總府

書

提要

此乃明王磐之散曲專集。王高郵人。字鴻漸。號西樓。同時濟南有王田者。字舜耕。亦號西樓。亦工散曲。明人每每混二人爲一。此卷後有考證。判別甚明。此刊據嘉靖辛亥磐甥張守中校訂重刻本。題郡人王應元一之父校者。乃重刻時援初刻本之所有也。套數九小令六十五。皆北曲。王氏之作。以精麗勝。頗能融元人喬張二家之長。寫懷詠物。諷刺俳諧。俱稱能手。明人譽之者甚衆。其書曾入太學所存書目。此刊一仍張刻舊觀。惟嘲轉五方一套。原刻補于小令之後者。爲移歸前列各套之中。賞牡丹小令。原刻作謁金門者。爲移並朝天子調中。並引堯山堂外紀等書于詞後。間具校語而已。

刊王西樓先生樂府序

往時外翁西樓先生所著樂府。先大夫嘗刻之郡齋。甲辰歲燬于火。識者咸惜之。謂翁之作不可以無傳也。不肖乃重爲校正。刻于家塾。曰。夫聲音之道微矣哉。古者審聲以知音。審音以知樂。故樂府之作。其來尚矣。翁生富室。獨厭綺麗之習。雅好古文詞。家于城西。有樓三楹。日與名流譚咏其間。風生泉湧。聽者心醉。脫略塵俗之故。以從所好。旣而藝日精。家日窘。翁怡然不以爲意。逍遙乎宇宙。徜徉乎山水。出其金石之聲。寄興于煙雲水月之外。洋洋焉不知老之將至。此其襟度有過人者。故所作冲融曠達。類其人也。今觀其村居之作。甘恬退也。久雪之詞。刺陰邪也。元宵之章。樂昇平也。失雞之曲。見雅度也。喇叭之咏。斥閹

王西樓先生樂府目錄原本無目

序

南呂一枝花九套

村居

久雪

元宵

閏元宵辨於黃

航隱號為四川任鎮撫作日出盤

梅村

自詠西樓號分得楊字韻

自壽

嘲轉五方此套原列卷末

沉醉東風二十首

蛙鼓

蝶拍

螢火

蜂衙

蚊雷

清明雜興

掃雪烹茶

書懷

攜酒過石亭會友

再提石亭風花雪月分得風字

題平坡卷行住坐臥首四

芙蓉帳

春遊

千葉白桃花

元宵即事

夏日即事

過煮石翁

清江引十七首

閨中入詠八首

清明日出遊

月夜

詠菊名報秋黃

賞花

耕

南牧

漁

乳樵

題花贈妓

王落梅風七首

雨耕

月牧

雪漁

雲樵

和石亭

春陰

過彥才賞梅

滿庭芳二首

題石亭

失雞

折桂令二首

燈謎

贈人

古蟾宮二首

清明

元宵

雁兒落三首

新雁

泛舟值雨

聽雨

紅繡鞋一首

紙鳶

醉太平二首

清明

秋雨晚霽

梧葉兒一首

接秋

凌波仙二首

前題

題菊泉圖卷壽煑石

脫布衫過小梁州三首

賞花

張堯臣有柬問余秋夜何如歌此戲答

秋夜同陸秋水湖上泛舟

朝天子三首

賞牡丹

詠喇叭

瓶杏爲鼠所齧

以上套曲九套小令六十五首

王西樓先生樂府

散曲叢刊第八種

明高郵王磐鴻漸父著

江都任訥中敏重訂

郡人王應元一之父校

南呂一枝花九套

村居

不登冰雪堂。不會風雲路。不干丞相府。不謁帝王都。
樂矣村居。門巷都栽樹。池塘盡養魚。有心去與白鷺
爲鄰。特意來與黃花做主。

〔梁州〕我是個不登科逃名進士。我是個不耕田識
字農夫。我是個上天漏籍神仙戶。清風不管明月無
拘。孤雲懶出野鳥難呼。只俺這牛背上穩似他千里
龍駒。只俺這花篷下近似他方丈蓬壺。興來時畫一
幅煙雨耕圖。靜來時著一部冰霜菊譜。閒來時撰一

卷水旱農書。茶爐酒爐。杏花深處桃花塢。水遶著門。
雲遮著屋。端的是隔斷紅塵一點無。那里有官吏催
租。

〔尾聲〕我向這暖茸茸白雲被底閒伸足。我向這錦
片片紅葉莊前醉坦腹。一任這流光眼前度。者麼您
能飛的白鳥。快奔的烏兔。總不如俺慢慢騰騰傲今
古。

久雪

亂飄來燕塞邊。密灑向程門外。恰飛還梁苑去。又舞
過灞橋來。攘攘皚皚。顛倒把乾坤礙。分明將造化埋。
盪磨的紅日無光。隈逼的青山失色。

〔梁州〕凍的個寒江上魚沈雁杳。餓的個空林中虎
嘯猿哀。不成祥瑞翻成害。侵傷隴麥。壓損庭槐。眩昏

柳眼。勒綻梅腮。遮蔽了錦重重禁闕宮階。填塞了綠沉沉舞榭歌臺。把一個正直的韓退之。擁住在藍關。將一個忠節的蘇子卿。埋藏在北海。把一個廉潔的袁邵公。餓倒在書齋。哀哉。苦哉。長安貧者愁無奈。猛驚猜。忒奇怪。這的是天上飛來的冷禍胎。遍地下生災。

〔尾聲〕 有一日赫威威太陽真火當頭曬。有一日暖拍拍和氣春風滾地來。就有千萬座冰山一時壞。掃彤雲四開。現青天一塊。依舊晴光瑞烟靄。

元宵

四圍瑪瑙城。五色琉璃洞。千尋雲母塔。萬座水晶宮。錦繡重重。影晃的乾坤動。光搖的世界紅。半空中火樹花開。平地上金蓮瓣湧。

〔梁州〕活潑潑金鰲出海。舞飄飄彩鳳騰空。更有那天時地利相扶從。千門璧月。萬戶香風。六街逐鼓。九陌歌鐘。喜人間和氣融融。報天邊好事匆匆。彩樓中詞括盡萬古風流。畫橋邊謎打破千人懵懂。碧天邊燈照徹四海玲瓏。花容月容。燈光月色。相調弄。車馬迎。笙歌送。端的是徹夜連宵興不窮。管甚麼漏盡銅龍。

〔尾聲〕這壁廂贊吾皇聖德詩三頌。那壁廂寬百姓差徭詔一封。這的是盛世良宵景堪重。喜上元節逢。愛千金夜永。但願的歲歲年年荷天寵。

閏元宵

重開不夜天。再造長春境。復遊三市月。又看六街燈。連賀昇平。閏月今番盛。元宵兩度晴。錦模糊世界重。

修光燦爛乾坤再整。再整堯山堂外紀作又整。

〔梁州〕滄海上六鰲山重重出現。碧天邊雙鳳輦往
往巡行。喜新年更遇新時令。猜空詩謎。踏遍歌聲。醉
翻豪俠。走困娉婷。飲不竭春酒繩繩。扮不了社火層
層。平添上錦重重。五百座琥珀歌樓。再擁出紅灼灼
三千年珊瑚寶井。又展開紫威威十萬里瑪瑙長城。
前正後正。一年兩度元宵勝。酒有情。詩添興。催逼的
雪月風花不暫停。運轉豐登。外紀擁出作湧出。威威作紫巍巍。

〔尾聲〕那元宵盛張燈燎淡銀河影。這元宵連迓鼓
敲殘玉漏聲。管倩取天上人間兩重慶。喜天清地寧。
愛風輕月明。這的是太平年。夜夜元宵四時景。

航隱號爲四川任鎮撫作

捲風雲入陣圖。收狼虎三年令。赴魚龍千載會。結鷗

鷺五湖盟。一葉舟輕。載風月無邊興。適江湖萬里情。
篷窗下掩藏著星斗文章。枕樓中埋沒了麒麟畫影。
〔梁州〕將一段棟梁材託萍梗與乾坤浪跡。把一片
虹霓志寄蜉蝣與天地忘形。正遇著當今四海風波
靜。帆啊挂洞庭秋月。棹啊蕩剡曲寒冰。纜啊繫瀟湘
夜雨。篙啊插鸚鵡春晴。端的是駕浮槎歷遍滄溟。只
待要挾飛仙走上蓬瀛。只恁那筆牀兒鋒利似短劍
長槍。只恁那茶竈兒乾淨似三牲五鼎。只恁那釣絲
兒輕快似錦絡珠纓。天清地靈。秀人豪不肯居人境。
野鶴形孤雲性。常只是服氣冷霞水面上行。都道是
航隱先生。

〔尾聲〕打聽的釣六鰲海上人同姓。又道是題駟馬
橋邊客一城。者麼您丹鳳銜書幾徵聘。認不得客星。

識不得將星。空教你訪遍了蘆花釣魚艇。

梅村

雲遮庾嶺遙。水遶孤山峻。騎驢空踏雪。拄杖謾尋春。
笑指前村。一步步花成陣。一重重雪映門。不羨他東
閣繁開。不讓他西湖舊隱。

〔梁州〕愛的是影橫斜。水痕清淺。愛的是暗香浮月
色。黃昏端的是萬花深處人棲遯。枝橫碎玉。夢冷黎
雲。攀條思遠。對影開樽。付霜毫一寫天真。託瑤琴三
弄精神。打熬出宋廣平鐵石心腸。塗抹就楊補之烟
雲畫本。安排下孟浩然風雪乾坤。詩魂酒魂。憐香惜
玉常親近。雪半吞。霜半褪。也不知漏洩春光有幾分。
試問東君。

〔尾聲〕躲離了鬧春風。桃李諸豪俊。相伴著傲冰雪。